

唐孫樵集

四部叢刊初編集部

鐫唐孫樵經緯集記

竣劉復愚臚簡之梓流布識者愈
慨千年文塚幾以夷于陵谷劉生
自誌丘墓洵廼埋憂地下者矣辭
嘗謂吾黨中處人代寔爲前古後
今關係見有佳篇幽墨若不爲之
表章聽其湮沒是大殘忍人不爲
無罪於天地故友生結聚最喜偵
訪所知文家幾輩所貯文藁幾種
務爲發隱闡幽借鈔廣播力及卽

爲鐫行使當世有不掩之文後先
燈續曾與同心發弘誓願行此功
德于秣林永不退諉然每遇人不
免捧出相示廼有攘爲帳秘者遭
其活埋不勝痛恨比之殺諸慧命
辜業辭亦自箴犯不善護持之戒
甲子長夏偕羣季侍家大人于南
澗樓居深柳覆牕塔光照席茶香
清供家樂甚洽大人懲辭愛惜人
才不得其道反招罪咎命幡家笥

重以牙籤題識載行譏察忽及大
人手訂諸編有經緯集爲孫可之
自定著作在唐與劉復愚名埒欲
以並行又得王文格吳下舊本林
茂之閩本參攷文苑等籍釐正相
沿之謬鄔中鄭見義先生聞之請
同較閱遂爲中和以來復存可之
面目隨助剞劂之金從臾速成廼
直以唐孫樵題集者存古遺意使
姓名彰彰不磨而晚近易于通曉

願見是集者發廣大心立拔猜忌
私吝孽根毋使古魂嚙恨九京縑
緗夜泣耳因作緣起于前以爲勸
請歲天啓乙丑蓮花生日吳馮于
字祖堂滌研濡豪正冠稽首製

自序

樵家本關東代襲簪纓藏書五千卷常自探討幼而工文得之真訣提筆入貢士列于時以文學見稱大中九年叨登上第從軍邠國忝歷萼資久居蘭省廣明元年狂寇犯闕駕避岐隴詔赴行在遷職方郎中朝廷以省方蜀國文物攸興品藻朝倫旌其才行詔曰行在三絕右散騎常侍李潼有曾閔之行職方郎中孫樵有揚馬之文前進士司空圖有巢由之風列在青史以彰有唐中興之德樵遂閱所著文及碑碣書檄傳記銘誌得二百餘篇彙其可觀者三十五篇編成十卷藏諸篋笥以貽子孫是歲中和四年也朝散大夫尚書職方郎

中上柱國賜緋魚袋孫樵

唐孫樵集目錄

明吳騄重訂

第一卷

大明宮賦

露臺遺基賦

出蜀賦

第二卷

與李諫議行方書

與高錫望書

寓汴州觀察判官書

與賈希逸書

與王霖書

與友生論文書

第三卷

書何易于

書田將軍邊事

書褒城驛

第四卷

梓潼移江記

興元新路記

蕭相國寫真讚

第五卷

孫氏西齋錄

堽皇遺劒錄

龍多山錄

第六卷

迎春奏

復佛寺奏

第七卷

序西南夷

序陳進士舉

寓居對

乞巧對

第八卷

文貞公笏銘

潼關甲銘

康錄郎中墓銘

刻武侯碑陰

舜城碑

第九卷

逐疔鬼文

祭高諫議文

祭梓潼神君文

第十卷

讀開元雜報

罵僮志

復召堰籍

唐孫樵集目錄

終

唐孫樵集第一卷

大明宮賦

露臺遺基賦

出蜀賦

大明宮賦

一作大明宮紀夢

孫樵齒貢士名旅見大明宮前庭仰貽倪

駭陰意靈怪暮歸魄動中宵而寥寥彼大

明宮神前有云且曰太宗皇帝繚瀛啓居

廓穹起廬圓然而劃隆然而赫孰寄孰陳

永求帝宅帝詔吾司其宮

自註太宗廟立大明宮後高

宗增修遂移仗

焉下帝謂上帝與日月終翼聖護艱十有

六君蕩妖斬氛孰知吾勤吾當廬陵錫正

自註天后即真天下號周

廟拓徽主自註

廢中宗爲廬陵王賜姓武氏

司禮博士周宗奏增吾則協二毗輔自註

正廟爲七廟唐廟爲五

謂梁公仁傑

左右提議義甲憤徒起帝

仆周仙殿

自註五王與帝出東宮斬賊迎

華周

自註天后驚駭還臥明日

復唐吾則械二點

自註謂昌俾即其

誅胡剝飽脂

自註謂路肌酢骨驚血凝

闕仰吠白日二聖各轍大麓北挈

自註肅宗遂

即位于

吾則激髯孽悖節自註謂俾濟

逆殺翼兩傑憤烈

自註謂汾陽王及臨淮王俾克斷

滅薊泉妖狂

自註謂突集五堂縱啄怒

吞大駕驚奔吾則勵陰刀剪其翼俾不得

逃明殛三革蝕黑孰匪吾力吾見若正聲

在懸諍舌在軒輶延諫剝襟沃善賞必

自註太宗每

正名怒必正刑當獄撤腥

自註謂之御

諫當稼吞蟻吾則入瀆革濁

自註貞觀

入園肉角

自註貞旬澤暮溥自註太

雨雨必自註 斛穀視土開元中 吾見若

以夜斗米五文錢 軒聲在堂諛舌在旁室聰佛諷正斥邪寵

嘉賞失節怒罰失殺奪農而徭厚天而雕

吾則反耀而慧自註 永崇總 反澤而沴

蕩坤而圻自註 地有圻而 裂乾而石自註

而有裂天有裂 然吾留帝一作 宮中二百年昔

亦日月今亦日月往孰爲設今孰爲缺籍

民其凋有野而蒿自註 開元中籍戶 籍

甲其虛有壘而墟自註 開元中籍府兵

甲總六十萬今天下兵仰 西垣何縮疋馬

給蒞農而幕府多虛者也 疋至

不收自註 開元中北庭拒鄰門萬三千

七十萬穀四十八監以使 北垣何蹙孤壘

董之是時帛疋易馬一 城粒言未及闕樵迎斬其舌且曰余聞宰

獲其哲自註 房 得是非日烈老魅跡結

爾曾何伐宰獲其慝自註 林 得是昏蝕

魅怪橫惑爾曾何力今者日白風清忠簡

盈庭闔南俟需闔北俟霽矧帝城闔闔何

賴窮邊帑廩如封何賴疲農禁甲飽寧尚

何用天下兵神曾何知孰愧往時神不能

對退而笑曰孫樵誰欺乎欺古乎欺今乎

吁

露臺遺基賦并序

歪皇郊天明年作望仙臺於城之南農事

方殷而興土功且有靡於縣官也樵東過

驪山得露臺遺基遂作賦以諷之

驪橫秦原東走盤連有土如積其高逾尺

隱于修岡屹若環堂徘徊山下問于牧者

對曰唯昔漢文爲天下君守以恭默民無

怨慝天下大同帝駕而東經營相視茲山

之址乃因其崇以興土功茲臺始基軫于

帝思既命其吏校之經費乃下詔曰朕以

涼德君于萬國唯日兢兢如滔春冰高祖

惠宗肇造我邦

一作肇我邦

作此宮室庶幾無

逸逮天朕躬孰敢加隆矧靡府財以經此

臺周爲靈臺成乎子來文王以昇以考休

徵茲臺以平周德唯馨章華雖高楚民亦

勞靈王宣驕諸侯不朝民既攜貳王遂以

死豈朕不懲斯役實興鳩材嘯工以害三

農斯豈文王靈臺之不日哉宜詔有司亟

令罷之此其基者乎卒歌而去之且曰彼

通天兮鞅埃埴之巍巍此靈臺兮蔽秋草

之離離已而已而世無比兮吾孰知其是

非

出蜀賦

辛酉之直年兮引敗車而還秦濟潼梓之
重江兮出大劍之複門駭天險之重阻兮
峙連崗而外坤謫石詭崖汨其城屬兮屹
紆鬱於雲昏嵌崟崟而查牙兮上攢羅而
憂天中呀圻以隙斜兮途詰屈而隘穿以
去以來奔蹄疾足兮鼠出入乎穴間蹇余
馬之不息屈峽山之偏側割崇巒之怒來
水涵空而混碧途迫高而緣深不尺直而
又曲踣危步之促促慄若跣而蹈棘朝天
雙峙以虧蔽中慘慄而陰翳倏下馳而上
迴若出地而天開龍堂呀呀而上啓怪若
虎而欲噬泉聲沸而中洌靈憲宰乎像設

眇山川以懷古得籌筆於途說指前峯之
孤秀傳臥龍之餘烈嘗枚師而北去抗霸
圖而此決曾尺疆之不闢徒齎志而灰滅
越百牢而南指憇石門之委邃六陰崖而
戶開屹巍巍以皚皚外攢怪石之參差今
勢業表而上排狀若鬱雲之始騰又侶乎
潮波之却頽中穹窿以宰豁敞曠朗而洞
達摧崑泉之潏潏鏘鏘環珮於閭闔躡危石
而後通忽決漉而無窮包溪懷壑而爲深
今繚繚岡而四崇蘿薜羃歷於崑穴兮雲
木森其青蔥鬱桂椒與木蘭兮芬淑郁而
駭風曾不可以久留今車軋軋而又東陟
雞嶺之蹇蹇下七折之峻坂褒斜吁其隘
束兮左窮溪兮右重巘綿飛棧而屬危梁

今續畏途而呀斷下臨千仞之驚流兮波
湏洞而雷拊當玄冬之隆烈觸密雪之飛
噴舞迴颺而颺九垓天地紛其漫漫路縈
積以迷沒馬蕭蕭而不進心悸悸而程不
敢逸兮徒慄慄而興嘆出大散之奧區若
脫足於囚拘涉汧渭之汙汙歷岐雍之通
途田原鬱以澶漫兮彌千里而爲都背槐
里而趨咸陽兮索羸劉之舊墟承明冀關
緬以夷漫兮得隱嶙之顏隅獨五陵之尙
完兀高平而草蕪抵長都之岌岌排閭闔
而西入荷天衢之廣闊仰白日之赫赫殷
弱弓而滿鈐鏃兮卽澤宮而睨的夫何號
貢之缺條兮忽有司之吾斥曾不得而上
通兮居悒悒而不適闕庭藹其多士兮皆

云夫賢索不自分其能否兮瞰朱門之投
蹟蔑一人之我先若捧水而投石念初心
之來斯豈窮愁而徒疑忽徊徊以惶惶蹇
東西而獨悲因默然以心計今私展轉而
自非胡不知進之與道謀兮徒盛氣而憤
時不知求已以爲慮今而患人之不知九
衢廣其茫茫兮混埃壒而紅飛漂世波而
上下兮旁窮走而相追不亦勞乎於是謝
唯唯之面朋而焚逐逐之燥機餒不飽謀
凍不煖謀兮環晦墻而闔扉邀仁義與之
爲友兮追五經而爲師徜徉文章之林圃
兮與百氏而騁馳不穀吾不恥穀亦吾不
辭彼上張爲公者豈終吾遺哉

唐孫樵集第一卷

唐孫樵集第二卷

與李諫議行方書

與高錫望書

寓汴州觀察判官書

與賈希逸書

與王霖書

與友生論文書

與李諫議行方書

樵嘗爲日蝕書以爲國家設諫官期換君
心之非不以一拂其言而怠於諫卽繼以
死非其職耶執事居其官亦嘗有意於此
乎開元之間豈待諫官而後言耶苟立天
子廷者皆開口奮舌爭於上前故自貞觀
以還開元之政最爲修明及林甫舞智以

固權張詐以聾上於是膠羣僚之口縛諫官之舌且以法中敢言者由是林甫之惡熾而勿復聞祿山之逆秘而勿復知天寶之政由此而荒矣今者下無林甫遏諫之權上有開元虛已之勞如此則叙立朝廷者皆得道上是非不顧時忌矧執事官曰諫議哉執事則

一作卒

不能言避其官而逃

其祿可也他官秩優而位崇者豈少耶今年三月上嘗欲管治國門執事尚諫罷之今詔管廢寺以復羣髡三年之間斤斧之聲不絕度其經費豈特國門之廣乎稽其所務豈特國門之急乎何執事在國門則知諫在復寺則緘默勇其細而怯其大豈諫議大夫職耶樵以爲大蠹生民者不過

羣髡之皇帝發憤除之興活疲甿今天下之民喘未及息國家復欲興旣除之髡以重困之將何致民之蕃富乎樵不知時態竊所憤勇故作奏書一通以明羣髡大蠹之由生民重困之源無路上聞輒以寓一作愚獻執事儻以樵書不爲狂試入爲上言其略

與高錫望書

文章如面史才最難到司馬子長之地千載獨聞得楊子雲唐朝以文索士二百年間作者數十輩獨高韓吏部吏部修順宗實錄尚不能當班堅其能與子長子雲相上下乎足下乃小史尚宜世嗣史法矧足下才力雄獨意語橫闊嘗序義復圖及樂

記事其說要害在樵宜一二百言者足下能數十字輒盡情狀及意窮事際反若有千百言在筆下足下齒髮未及壯其所得如此則不知子長子雲當足下年齒時文章果何如也然足下所傳史法與樵所聞者異耶古史有直事俚言者有文飾者乃特紀前人一時語以立實錄非爲俚言奇健能爲史筆精魄故其立言序事及出沒得失皆字字典要何嘗以俚言汨其間哉今世俚言文章謂得史法因牽韓吏部曰如此如此樵不知韓吏部以此欺後學耶韓吏部亦未知史法邪又史家紀職官山川地理禮樂衣服亦宜直書一時制度使後人知某時如此某時如彼不當以禿屑

淺俗則取前代名品以就簡編一作絕非家條序人物宜存警訓不當徒以官大寵濃講文張字故大惡大善雖賤必紀尸生浪職雖貴得黜至如司馬遷序周繆班孟堅傳蔡義尚可用耶爲史官者明不顧刑辟幽不見神怪若梗避于其間其書可燒也古者國君不得視史今朝廷以宰相監撰大丈夫當一時寵遇皆欲齊政房杜躋俗太平孰能受惡於不隱乎古者七十子不與筆削今朝廷以史館叢文士儒家擅一時智臆皆欲各任憎愛乎出黑白孰能專門立言乎樵未知唐史誠何如也樵雖承史法於師又嘗熟司馬遷揚子雲書然才韻枯梗文過乎質嘗序廬江何易于首

末千言貴文則喪質近質則太禿刮垢磨痕卒不到史獨謂足下才力天出最與史近故以樵所授於師者致足下

寓汴觀察判官書

大梁居東諸侯兵最爲雄軍候乘權肆豪奴視州縣官州縣官卽燦縮自下美言立聞觀察使往往得上下考卽欲認官爲治必爲軍候所傾折大者至奪觀察使小者至爲軍人所繫辱州縣官格守失職不敢與抗由是軍候得侵繩平民鞠訊授一作受辭往往獄至數百不以時省以故平民益畏軍候至不知有觀察使矧州縣官耶國家設州縣官以治平民豈以屬之軍乎今京兆二十四縣半爲東西軍所奪然亦不

過籍占編民翼蔽墾田其辭獄曲直尚歸京兆今汴軍所侵州縣者反愈東西軍士大夫叢居未嘗不病東西軍侵州縣事及自提兵符則不知有以規畫之矧天子之貴耶執事三從事盧公其所以佐盧公使炳炳不磨於世者襄陽南渡之民皆能道之今居汴有日而曾無所聞豈屑屑未暇耶執事宜亟以前之所陳辨之盧公稍稍奪左右軍候權且使繫獄者不得治於軍門凡當隸州縣者悉索歸之使軍自軍州縣自州縣無相奪也今執事官曰判官察州縣事正執事職幸無忽

與賈希逸書

主數足下曩者樵耳足下聲憤足下售於

時何晚及目足下五通五十篇則足下困

于一作十

上亦宜矣物之精粦天地所秘惜

故蒙金以砂錮玉以璫珊瑚之叢必茂重

溟夜光之珠必含驪龍挾而不已積而不

知止不窮則禍天地讎也文章亦然所取

者廉其得必多取者深其身必窮六經作

孔子削迹不粒矣孟子述子車坎軻齊魯

矣馬遷以史記禍班固以西漢禍揚雄以

法言太玄窮元結以浯溪碣窮陳拾遺以

感遇窮王勃以宣尼廟碑窮玉川子以月

蝕詩窮杜甫李白王江寧皆相望於窮者

也天地其無意乎今足下立言必奇撫意

必深挾精剔粦期到聖人以此賈於時鈞

榮邀富猶欲疾其驅而方其輪若曰爵祿

不動於心窮達與時上下成一家書自期

不朽則非樵之所敢知也嗚呼孤進患心

不苦及其苦知者何人古人抱玉而泣樵

捧足下文能不濡睫懼足下自持也淺且

疑其道不固因歸五通不得無言

與王霖秀才書

太原君足下雷賦逾于六言推之大易參

之玄象其旨甚微其辭甚奇如觀駭濤於

重溟徒知褫魄眙目莫得畔岸誠謂足下

怪於文方舉降旗將大誇朋從間且疑子

雲復生無何足下繼以翼旨及雜題十七

篇則與雷賦相闕數百里足下未到其壺

則非樵所敢與知既入其城設不如意亦

宜上下銖兩不當如此懸隔不知足下以

此見嘗耶抑以背時戾衆且欲哺柏噉醢
以其苟合耶何自待則淺而徇人反深鸞
鳳之音必傾聽雷霆之聲必駭心龍章虎
皮是何等物日月五星是何等象儲思必
深措辭必高道人之所不道到人之所不
到趨怪走奇中病歸正以之明道則顯而
微以之揚名則久而傳前輩作者正如是
譬玉川子月餽詩楊司成夢山賦韓吏部
進學解馮常侍清河壁記莫不扳地倚天
句句欲活讀之如赤手捕長蛇不施控騎
生馬急不得暇莫不捉搦又侶遠人入太
興城茫然自失詎比十家縣足未及東郭
目以極西郭耶樵嘗得爲文真訣於來無
擇來無擇得之於皇甫持正皇甫持正得

之於韓吏部退之然樵未始與人言及文
章且懼得罪於時今足下有意於此而自
疑尚多其可無言乎樵再拜

與友人論文書

嘗與足下評古今文章佻好惡不相關者
然不有所竟顧樵何所得哉古今所謂文
者辭必高然後爲奇意必深然後爲工煥
然如日月之經天也炳然如虎豹之異犬
羊也是故以之明道則顯而微以之揚名
則久而傳今天下以文進取者歲叢試於
有司不下八百輩人人矜執自大所得故
其習於易者則斤澁艱之辭攻於難者則
鄙平淡之言至有破句讀以爲工摘俚語
以爲奇秦漢已降古文所稱工而奇者莫

若揚焉然吾觀其書乃與今之作者異耳
豈二子所工不及今之人乎此樵所以惑
也當元和長慶之間達官以文馳名者接
武於朝皆開設戶牖主張後進以磨定文
章故天下之文薰然歸正洎李御史甘以
樂進後士飄然南遷由是達官皆闔關辭
舌不敢上下後進宜其爲文者得以盛任
其意無所取質此誠可悲也足下才力雄
健意語鏗耀至於發論尚往往爲時俗所
拘豈所謂以黃金注者昏耶顧頑朴無所
知曉然嘗得爲文之道於來公無擇來公
無擇得之皇甫公持正皇甫持正得之韓
先生退之其所聞者如前所述豈樵所能
臆說乎

二卷終

唐孫樵集第三卷

書何易于

書田將軍邊事

書褒城驛壁

書何易于

何易于嘗爲益昌令縣距刺史治所四十
里城嘉陵河南刺史崔朴嘗乘春自上游
多從賓客歌酒泛舟東下直出益昌旁至
則索民挽舟易于卽腰笏引舟上下刺史
驚一下有
叫字問狀易于曰方春百姓不耕卽
蠶隙不可奪易于爲屬令當其無事可以
充役刺史與賓客跳出舟偕騎還去益昌
民多卽山樹茶利私自入會鹽鐵官奏重
權詔下所在不得爲百姓匿易于視詔